


BAHEBERU, KHAOLO EA BOBELI ¹

 Teng mona kahara tlelase le ho natefelo a ke... [Sekheo lebantseng—Mong.] 'Me joale Buka ea Pele ea Baheberu, ke Pauluse, re fumane, kapa re lumela joalo. Baithuti ba thutabomolimo ba fihlile pheletsong; ha ba tsebe hore na ke ofe, kapa hore E ngotsoe ke mang. Empa, kea lumela, motho mang ea nang le bohahana ba temoho ea moea a ka bona hoba e ne e le Pauluse. Ho—ho lumeloa joalo, ke bangoli ba bangata, e le Pauluse. Le kamoo a . . .

² Khaolong ea 1, re mo fihlela a ne a tlotlisa Morena Jesu. Oh, kamoo a theohileng, ho bontša ka e—ka boiphihlelo bo mo hlahetseng tseleng ea hae e eang Damaseka. Joale, Pauluse, le ho qala, e ne e le moithuti oa thutabomolimo. Pauluse o rutiloe ke Gamaliele, e mong oa mesuhe e babatsehlang ea letsatsi leo. A le bohlahle a hlalefile, ehlile e le lekoloane le seli la Bibehe.

³ Ebile ke fumane sena, tseleng ea hae e theohelang Damaseka, a suntse mangolo pataneng ea hae, ho hlahlela bana ba keneng tseleng e bokoang eo ea Evangeli ea khale, 'me monna eo keha a tšepahetse. Empa, esale ke lumela hore ho tloha Pauluse a bone Setefane a eshoa, ke kholoa a hlile a khoebetheha. Mohla a na a lumella lefu la Setefane, a boloka liaparo tsa ba mo tlepelitseng, eaba Pauluse o jere molato oa mali a Setefane. 'Me o ipoletse, le ho re, "Ha ke na le tokelo," ha thoe, "hobane ke tšolotse mali a Setefane, 'molaeloatumelo, oa Hae—Hae." Ka hobane, a e bone.

⁴ 'Me ha u paka letho, u molato joaloka monka-kabelo. Ka hona haeba re paka ntho, ho thoe, "Oh, e, ba ne ba sa lokela ho etsa sena, *hore-le-hore* hona," ela hloko seo u se buang, hobane u molato ka kahlolo ea hao. Ha u sa khone ho etsa qeto, se bue letho, e tlohele. Ha u ipaka u le Mokreste, e tla ba u molato. Ua bona? U molato ka ho ba Mokreste, 'me u lokela ho phela hoo. 'Me ha Molimo a—a tšepisa letho ka hara Bibehe. . . Ke bona mona monna holima setulo sa bakuli. Mohla Molimo o no o etsa Tšepiso, O molato oa Tšepiso haese haeba A E phethisa. Molimo o molato mohla A etsang Tšepiso. Le Mangolo a molato hofihlela A phethahetse. Ua bona? A—A lutse mono e le—e le polelo e entsoeng ke Molimo. 'Me E tlameha ho phetheha ho seng joalo Molimo o molato. Ua bona?

⁵ 'Me ka baka leo Pauluse, ka ho ba moruti, 'me a theoha tseleng ea hae e eang Damaseka tsatsi leo, nka re, motšoare o moholo, kea kholoa. Teng ha phatsima Leseli le leholo le

tsoang Maholimong, 'me La mo foufatsa, eaba o—eaba o oela fatše. A ntano batla ho tseba hore ke Mang. A re Puo e buile, ea re, “Saule, Saule, u Ntlhorisetsang na?” Kea kholoa khaolo ea 8 ea Liketso.

A re, “Ke Mang eo ke mo hlorisang?”

6 Puo ea boela ea bua, ha thoe, “Ke 'na Jesu.” Oh! “Ke 'na Jesu, 'me ho thata ho uena ho raha litsenene.” 'Me Jesu e ne e le eng mohlang oo? Jesu, E ne e le Leseli, Leseli la letonana feela le phatsimang le khanyang.

7 Joale ho re khothatsa le ho thea motheo mona. E ne e le Leseli joang, athe E ne e le Monna? Joale, ha ho mang. . .

Sehlopha sa masole se ne se teetse Pauluse hare, balebeli ba tempele, ba theoaha ho ea tšoara. Pauluse e le mokapotene oa sehlooho. 'Me keha ba theoaha ho tšoara batho bao, ka baka la mats'olo a bona le tse joalo, le ka tšepo ea borapeli ba bona e ahileng ka ho bona.

8 Empa, joale, mona Jesu ke enoa joaleka Leseli le leholo. Joale, haeba le ka hopola, tšimolohong, Jesu e ne e le Leseli. Jesu e ne e le Logos e tsoileng ho Molimo. 'Me E ne e le. . . E ne e le Lengeloi la Selekane le tsamaisitseng bana ba Iseraele lefeelleng. 'Me E ne e le Topallo ea Mollo eo ba neng ba e shebile. 'Me E ne e le. . . 'Me mohla A ne a le holima lefatše mona, O itse, “Ke tsoile ho Molimo, 'me Ke khutlela ho Molimo.” Ka hona efèla ha A tsoile ho Topallo ea Mollo, le ho kena ho Monna, haeba A khutletse moo A neng a le teng, O ne a khutletse ho Leseli leo hape. 'Me ke Eo mohla Pauluse a Mo bonang, E ne e le Leseli.

9 Joale, masole ao oohle a teetseng Pauluse hare ha a ka a bona Leseli. Na ho ka etsahala ba bang ba Le bone athe ba bang ba sa Le bone? Ehlile. Ke hantle. Eèna, Pauluse, o Le bone, athe ba bang bohle ha ba bona Leseli.

10 Joale, mohla Petrose a ne a le chankaneng, re fumana Leseli lena le kene ka chankaneng, la bula menyako. 'Me o ne a. . . Leseli leo le foufalitse balebeli ba bang bohle, nakong eo ba tsoang, Petrose a ntse a tsamaea. Eareha a fihla monyako, oa ipula, ka khutso, oa boela oa ikoala ka mora hae. Ho tloha chankaneng e ka hare, a toba monyako o ka ntle. Oa ipula ka boona, oa ikoala ka khutso. Eaba o kena lebaleng, a tsoela ka ntle seterateng sa motse. A ipikitla mahlo, e ka o re, “Na ebe ke ne ke lora?” Ha a ka a tseba se hlahileng. Empa, Lengeloi la Morena, lona Lengeloi leo e neng e le Topallo ea Mollo e tsamaileng le Moshe ho ea leatubeng 'me ea le ala, oh, le Leoatle le Shoeleng. . . Leoatle le Lefubelu le ne le bope mabota ka nqa tse peli, 'me Iseraele ea parola.

11 Eitseha ba fihla Jordane e ntseng e kokomoha, ha A ka a Iponahatsa mono. Empa O ne a le teng, kaha A ile a e phetla

feela. 'Me ba tšetse ka 'Mesa, mohla makhulo a tletseng metsi. Eaba O emisa molapo, 'me A emisa le lehloa ho qhibiliha, hoba ha a ka a hlola a nyoloha ho bopa mabota; a mpile a emisa feela. Ke Jehova oa rōna eo. Ke Morena Jesu oa rōna eo. Ho emisa feela; 'me ba parola mobung o omileng.

12 Joale, Molimo O tšepisitse hore o tla ba hlokomela, ka baka leo O ne a tlamehile tšepisong ea Hae. Joale, Pauluse, ka ho elloa lintho tsena, le ka ho li tseba, o ne a filoe monyetla, hobane Molimo o ne o bua le Pauluse ka kotloloho. A sa bue le masole a mo teetseng hare. O ne a buisana le Pauluse a inotši.

13 Joale, mohla e—mohla Lengeloi la Morena le ne le theoha, ka sebopeho sa naleli; 'me balepi ba linaleli, banna ba bohlaele ba India, mohlang oo, ba bone Naleli eo ba E sala morao makholo a limaele. 'Me E tlotse holima linqalo tsa bolepi, kahobane ba ne ba boloka nako ka linaleli. 'Me ha ho mang ea boneng Naleli haese banna ba bohlaele. Oh, khili! Ana taba eo ha e le thabise? [Phutheho e re, "Amen."—Mong.]

14 Hape, u a bona, Molimo ha o sebetse le mekhatlo. Ha O sebetse le lihlopha tsa batho. O sebetsa le batho ka bomong. O Itsenolela batho ka bomong. 'Me joale—joale ho bua sena, e seng sena . . . Molimo o tseba pelō ea ka. 'Me sena ha kea se lebisa ho 'na, ho ithorisa, joale; feela ho ba mono. Empa, na le tsebile, oona Molimo oo, eèna Jesu eo, o na le rōna hoseng hona? Na lea tseba, mang le mang oa lona o na le nthoana, bopaki ba hao ba ntho eo hona joale, hore O teng mona? 'Me ke . . . Letsatsing lena O re etselitse seo A sa se etsang matsatsing a mang; letsatsing lena O lumeletse setšoantšo sa Hae ho nkuoa. Re Se fanyehile hantle *mono*. Ua bona? Topallo ea Mollo, eèna Morena Jesu eo.

15 Shebang kamoo A sebetsang joale. Haeba E sa le Morena Jesu eo, O tla etsa lintho tse tšoanang, hoba Bibehe e itse, "E sa le eèna maobane, kajeno, le ka mehla."

16 Joale, pele Pauluse a ka tlaleha letho, hore sena se lokile kapa se phoso, pele a theohela Egepet'a a qeta lilemo tse tharo, ho ho fumana haeba e lumellana le Mangolo kapa che. Na le tsebile taba eo? Hoba Pauluse a sokolohe, o ile a theohela Egepet'a lilemo tse tharo. A lula teng, 'me ke hona moo a ithutleng bohlaele bo boholo bona.

17 Joale, ha se bapisa letho, ke mpa ke le hlahisetsa kamoo Moea o Halalelang o ituletseng o tšoana kateng. Joale, kereke ea ka mona e sa ntse e hopola, lilemong tse ngata tse fetileng, mohla Lengeloi lena le ne le hlaha le bontšha lintho. Ke batla ke Le belaela. Lona bohle le tseba seo, lona mekaubere. Haeba u . . . Haeba e le 'nete, phahamisa letsoho la hao, haeba u utloile. Yaa. Shebang, shebang kereke, le joale, ho tsoa ho mekaubere. Ua bona? Ke ne ke batla ke belaela, hobane bareri ba mpoleletse E ne e le ea diabolosi. 'Me ka batla ke e lumela, empa ka ema nakoana. Ke sa batle ho bua letho ka Lona.

18 Empa, oh, ho bokoe Lebitso la Morena! Bosiu bo bong, koana, eaba O a theoha, Lengeloi, la E senola kahara Mangolo, hore E ne e le eèna. Eare ha ke Le bona ka Mangolong, le ho phatloha lefatše ka Eona, Molaetsa.

19 Mono ha tsoa Oral Roberts, A. A. Allen, Tommy Osborn, Tommy Hicks, le eng hape. Ua bona? Ke Molaetsa o eang bathong.

20 'Me Jesu esale eèna maobane, kajeno, le ka mehla. Ho latela Lengolo, O sa tšoana. O etsa tse tšoanang. O a tšoana. O sebetsa ka ho tšoana. O Iponahatsa a tšoana. 'Me O teng mona, hoseng hona, ka ho tšoana. Joale re ka 'Mona; re ka se khone. E ka bang eng, re tšoere bopaki ba boteng ba Hae mona.

21 Joale, rea fumana, Pauluse, ka boiphihlelo bona, le ka ho ngola mangolo ana, bongata ba oona, ho tsoa teronkong, o ne a bapisitse Testamenta ea Khale le e Ncha. Joale le hopole, mongoli oa ho qetela oa Bibehe ena, ka pululelo, Molimo o no o theohe oa 'molella, "Ekare ha e mong a eketsa ho Eona kapa a fokotsa ho Eona, le eèna ho tla tlosoa kabelo ea hae Bukeng ea Bophelo, ho eèna." Ka baka leo re mpe re se leke ho E ekeletsa ka letho. Oh, E tlameha ho itulela E tšoana, ha ho letho le tšoanelang ho ekeletsoa ho Eona. 'Me re tlameha ho loanela hohle ho leng ka ho Eona. Ha ke batle letho le fetisang, ebile ha ke batle letho le ka tlasana. Ke batla feela seo E se buang.

22 Joale, Buka ena ea Baheberu, lebaka leo ke E khethileng; morero o le mong, ntho e le 'ngoe; lengolo lena, "Moena Branham ea ratehang," le joalo. 'Me, ke—ke, re batla ho lula le Lentsoe.

23 Joale, khaolo ea 1, e ne e le ho fapha Jesu, ka baka leo ke Eèna oa Sehlooho. 'Me Pauluse ha a re tsebisana, bosiu bo bong, o Mo tlalehile a ne a le teng tšimolohong. 'Me re Mo fumane e ne e se letho le ka tlasana ho "Melkisedeke, Morena oa Saleme," e Moholo eo oa khaolo ea 7.

24 'Me joale, hoseng hona, re Mo atamela ka nqa e 'ngoe, ho tsoa ntlhakemong e 'ngoe, ho qala ka khaolo ea 2. Joale, hoba Pauluse a re hlahisetse Molaetsa o moholo oona, o babatsehlang, oa ho fapha Jesu, "Me esita le Mangeloi a Mo khumamela." 'Me kea nahana, holimo mona, lefatše lena, lilemo tsa lona: "'Me O tla le mena joaloka kobo, empa tsona li tla timela, haele Uena u ea sala."

25 'Me holimo koana khaolong ea 2, temana ea 2, kea kholoa, "Matsatsing ana O buile le rōna ka Mora oa Hae." 'Me, le shebe, "Mehlang ea khale le ka mekhoha e mengata O buile ka baporofeta." Re fetile mono ra fumana seo baporofeta ba neng ba le sona, le kamoo Molimo o hlahisitseng Molaetsa oa Hae ka baporofeta. "Empa letsatsing lena la qetelo O buile ka Mora oa Hae, Jesu, ka Moea o Halalelang. O buile ka baporofeta, mohlang oo." Eaba rea khutla ra fumana, hobane baporofeta bao bohle ba ne ba ruile Moea oa Krete ka ho bona.

26 Re ile ra khutlela ho Josefa ra mo fumana a bapisitse Krete ka ho phethahala. Ho khutlela ho Moshe ra mo fumana a bapisitse Krete ka ho phethahala. Eaba re theohela esita le ho Davida. 'Me mohla Davida a ne a khesoa Jerusalema, a sa tsebe lebaka, empa o kile a nyoloha leralla a hetla morao, a le holima Thaba ea Mehloaare, a llela Jerusalema kahobane a ne a khesitsoe. Lilemo tse makholo a robeli ho tloha mono, Mora oa Davida a khesoa joaloka Morena, kahara Jerusalema, a lula holima leralla lona leo a lla. Oh, Moea oa Krete, o sebetsana le batho ka bomong!

27 Joale, Pauluse o a qalisa, o re:

Ka baka leo eka khona re ele ka ho fetisisa litaba tseo re li utloileng hloko, . . .

28 Khaolo ea 2, joale, rea qala.

Ka baka leo eka khona re ele ka ho fetisisa litaba tseo re li utloileng hloko, esebe. . . suthela hole le tsona.

29 Oh, Molimo a ke a e khokhothele tabernakeleng ena hoseng hona. Ke rapela Moea o Halalelang ho e tebisa hakana lipelōng tsa lona. “Re tlameha ka thata ho ela hloko litaba tseo re li utloileng.” Re tlamehile ho fetoha batho ba mofuta mong, athe re bile re bona Jehova e moholo a theoha a etsa lintho tseo A li etsang, re li bona li bapa, Lengolo ka Lengolo, hore ke 'Nete? 'Me ka linako tse ling re itulela sa meutloa e metseng holima sekoqo, re le monyemo. Re tlameha re be re le mapathe, motsotso ka mong, re leka ho isa batho ho Krete. Re tlameha ho fetoha majoe a phelang. Ha rea tšoanela ho ba bohloosa tjena. Re ee re nyolohela kerekeng, re bone Morena Jesu a etsa ntho, kapa—kapa a re hlohonolofatsa ka tsela e itseng, ebe rea—rea khutla re re, “Ehlile ke kopano e monate haholo.”

30 Joale, therō ea Lentsoe, rea e thabela, empa ha se eona ntlha ea sehlooho. Ha se eona. Ha rea tlameha ho boka Morena ka mora therō ea Lentsoe, ka tloaelo ea rōna, ho Mo boka feela. Hoo ho a babatseha. Empa re tlameha ho Mo boka hora e 'ngoe le e 'ngoe ea bophelo ba rōna. Ha re le mosebetsing, re tlameha ho Mo boka. Nako le nako ha monyetla o itlhalahisa, boka Morena ka ho paka ka Eèna.

Ha u bona, lona maleiti, ha le bona mosali a le phoso, bokang Morena ka ho mo tšoara le re, “Khaitseli, bophelo bo molemangoana ho feta bona bo teng.”

31 Lona banna mosebetsing, ha le utloa monna a tlaela ka Lebitso la Morena, nkang monyetla oo ho tsoela kathoko, le mo tšoare ka letsoho, le re, “Uena, bophelo bo molengoana le bona bo teng. Ha u a tšoanela ho sebelisa mantsoe ao.” Le ho 'molella ka bonolo, mosa. Lintho tseo tsohle ke ho boka.

'Me ha re bona motho ea kulang, 'me lingaka li re ha ho letho le ka etsoang, re tlameha ho boka Morena ka ho ba bolella, “Molimo oa Leholimo o arabelang thapelo o teng.”

³² 'Me ha re bona lintho tseo li hlaha, tseo re li bonang li hlaha khafetsa, ha rea tlameha ho li tlohela li feta. Re tlohela ho pholletsa le menoana ea rōna. Ke bona bothata ba kereke e kholo ea Pentekosta kajeno. Ba lumeletse lebebe lohle ho phurutseha le menoaneng ea bona, athe ba kile ba le tsoara matsohong a bona. Empa, shebang seo ba se entseng, ba etsisitse likereke tsohle. "Ba mathile ka leruo, ka tsela ea Kore, ba timetse; ka tsela ea Kaine, ba timetse khanyetsong ea Kore."

³³ Ba hlophisitse. Sebakeng sa ho bopa kopano ea boèna moo bohle re ka fetohang bang, ba itlhophisitse. Ba bopile mekhatloana le mekhanyana, e ropohileng 'me e pshatlile kopano ea boèna. 'Me ha u sa shebe, Baptist le Presbeterian li tlil'o e thonaka, hobane, "Molimo o ka tsoetsa Abrahama bana le ka majoe ana." 'Me re—re e tlohetse ho phurutseha le matsohong a rōna ka ho hloka kopano.

³⁴ MaIndia a lahlehetsoe ke naha ena joang ho monna e mosoeu? Ka hobane ba ne ba arohane. Holane ba bopa lebotho le le leng le leholo. . . Empa keha ba loantsana. Holane ba teana 'moho bohle ba ne ba tla itoanela.

³⁵ Re tlil'o lahlehela joang? Ka hobane re arohane. Re lahlehela ke boiphihlelo ba Molimo, ka hobane re arohane. Re hloma e 'ngoe, ebe *sena* re se bitsa e—e Methodist, le *sena* Baptist, le *sena* Assemblies, le *sena* Oneness, le *sena hore-ho-itseng*, le church of God, le Nazarene, Pilgrim Holiness. Re khekhetha 'Mele oa Krete. Ha rea tlameha ho arohana. Re ka fapana menahanong, empa re mpe re be baena pelō-ka-pelō. Molimo o re batla joalo. O shoetse Kereke eohle ea Molimo. 'Me ha re batle ho arohana.

*Joale ka baka leo eka khona re ele ka ho feta. . .
esebe ra suthela hole le tsona.*

*Hobane ha esitile lentsoe le boletsoeng ke mangeloi
le ne le sa ka le lesa ho tiea, . . .*

³⁶ Lea Le utloa? "Ha esitile lentsoe le boletsoeng ke mangeloi. . ." Joale, *lengeloi* ke "moromuoa." Lentsoe *lengeloi* le bolela "moromuoa." 'Me ke sa tsoa feta, bukeng ea 1 mona, "Molimo, mehleng ea khale le mokhoa e fapaneng, o buile le bontate ka baporofeta." E ne e le barongoa ba Molimo bao. 'Me e ne—e ne e le barongoa ba Molimo. E ne e le mangeloi a Molimo. Moromuoa ke lengeloi; kapa lengeloi ke moromuoa, ke rialo.

³⁷ Moromuoa! U moromuoa, hoseng hona. U a. . . U moromuoa oa litaba tse molemo kapa moromuoa oa litaba tse bohloko. Oh, na ha e babatsehe, ho tseba hobane re manqosa, hore re mangeloi, barongoa ba tsoho? 'Me re barongoa ba Molimo ho lefatše lena le tletseng sebe, hore Krete o a phela. Ka lipelōng tsa rōna, O a phela. Ka meeng ea rōna, O a phela. 'Me O re nyolotse bophelong bo bohlasoa bo tlase ba sebe, le ho

re nyollela holimo, le ho re nea “allelua” kahara soule ea rōna, 'me oa re etsa babopuoana ba bacha. Re barongoa, mangeloi a Selekane. Ho babatseha hakakang!

³⁸ 'Me joale, ka kahara Testamente ea Khale, “Ha esitile—esitile lentsoe le boletsoeng ke mangeloi le sa ka la lesa ho tiea,” le ne le tlamehile ho loka. Kahara Testamente ea Khale, le pele lentsoe la moporofeta le ka bonahatsoa, le ne le tlameha ho kholisoa le ho pakoa. Ba ne ba sa hlepha feela ka lona, joaloka rōna kajeno.

³⁹ Ho tsoa feela le ho arubetsoa ke maikutlo a mofuta ofe, kapa ntho efe feela, “Oh, thoriso ho Molimo, ke eona!” U fositse.

Bibele e boletse, ha thoe, “Matsatsing a bofelo, diabolosi o tla lekisa Bokreste, hona, ho ka thetsang le bona Bakhethoa holane ho ka etsoa.” Ke hantle. Ka baka leo, re tlameha ho le fetisa tekong.

⁴⁰ 'Me letsatsing la bona ba le fetisitse joang tekong? Le ne le isoa ho Urim Thammime. Mokhajoana oa Aarone, o nong o hoketsoe majoe ao: karbunkule, jaspere, taemane, rubi, safire. Majoe ao oohle, a ne a bapisa tsoalo ea bapatriareka bana ba leshome le metso e 'meli, a ne a kentsoe kahara mokhajoana oa Aarone. 'Me enereha moporofeta a porofetile, 'me Leseli le khethehileng leo le halima holima oona, Molimo o itse, “Eo ke 'Nete.” Empa, ho sa tsotelehe kamoo e bonahetseng e lokile, enereha ha le sa halime holima oona, e ne e se 'Nete. Ka baka leo, Urime Thammime e ne e teetse boprista boo hare.

⁴¹ Empa kajeno Bibele ena ke Urime Thammime ea Molimo. 'Me ekare ha moporofeta a porofeta, e tlameha ho halima ka phethahalo le Bibele. Ha ho le joalo, Molimo o a bua, ebe moo A theohang a Le paka.

⁴² Oh, nka tlotlisa Molimo hakakang kajeno! Ke sa nahanne morao hoseng ha Sontaha se seng, ntho e kang ena, mohla ke ne ke siea tabernakele. 'Me lona batho ting le lla le nkopa ho se tsamaee. Empa, eaba, ke rera ka Davida le Goliathe, le kamoo le tla thulana le lefatše le pompetseng leo, le monyemo le reng matsatsi a mehlolo a fetile.

⁴³ Ka re, “Senatla se le seng se sehlo ke seo, 'me haeba re ka se fenetha, ba bang bohle ba tla khothala.” Eaba Morena o aba hoo. 'Me ha hlaha Oral Roberts le Jagers, le ba joalo, ba tsoamulang Sabole, ra qobokisa sera ra se ntša naheng, ra ba koala melomo. Ba ke ke ba re mehlolo ha e sa etsahala, hobane ke ena moo e leng teng. Ehlile. Lentsoe la Molimo ke la Bosafeleng. Le halimme holima Urime. Le halimme holima Lentsoe, eo ke Urime Thammime ea Hae. 'Me eitse ha Le halima holima Eona, keha le tiile.

'Me ho motho mang ea hlokang, ha u le moetsalibe, u batla ho tseba mokhoa oa ho pholosoana, “Lumela ho Morena Jesu Krete.”

44 Kajeno, re tlameha ho etsa lintho tse ngata. “Re tlameha ho phetla maqephe a macha. U tlameha ho etsa *sena* le ho etsa *sane*, hore u tle u bolokehe.”

Ke hopola rachankana oa Mofilipi, mohla rachankana enoa a botsang Pauluse, “Nka etsang ho bolokeha?”

Holane e le 'na le uena, re ka be re 'moleletse lintho tseo a *sa* tlamehang ho li etsa. “U tlameha ho tēla ho noa. U tlameha ho tēla ho mokola, ho mokola ha hao.” “U tlameha ho tēla *sena*. U tlameha ho tēla *sane*.”

Pauluse ha a 'molella taba eo. O 'moleletse ntho tseo a *tlamehang* ho li etsa. “Lumela ho Morena Jesu Kreste, uena le ba ntlu ea hao le tla bolokeha.”

45 Joale, “Ea utloang Mantsoe a Ka 'me a lumela ho Ea Nthomileng o na le Bophelo Bosafeleng.” Ke eona Urime Thammime e halimang, Mohalaleli Johanne 5:24. “Ke 'na Morena ea phekolang maloetse a lona oohle.” Jakobo 5:14, “Le bitse baholo, ba le tlotse ka ole, thapelo ea tumelo e tla pholosa mobabi.” Urime e ntse e halima. Ua bona? Leo ke Lentsoe la Molimo la Bosafeleng.

46 Ha ke tsotelle bomosalumele, bahetene, bahanyetsi, ho hlaha babelaeli ba bakae. Molimo o tla tšehetsa Lentsoe la Hae. O tšepisitse hore O tla e etsa.

47 “Eka khona re ele ka ho fetisisa litaba tseo re li utloileng hloko, esebe ra suthela hole le tsona. Hobane ha esitile lentsoe le boletsoeng ke mangeloi (baporofeta) le ne le sa ka le lesa ho tiea. . .” Ana a ne a tiile? Re ka bua veke eohle ka sena.

48 Ana le ne le tiile mohla Moshe a buang? [Phutheho e re, “Amen.”—Mong.] Ehlile bo.

Ho ka thoeng ka Elia, ea lutseng hlorong ea thaba? Morena a 'moleletse, “Nyolohela mono, Elia. Ke tla hlola le uena; ha u batla seqoqo.” Molimo o rata seqoqo le batho ba Oona. Empa ha re lule nako e lekaneng le Eēna seqoqong. Re maphathe haholo rea kabakaba, ho tloha sebakeng ho ea sebakeng, le haholo ha kana. “Khutsa u lule, Elia.” A batlile seqoqo sa lilemo tse tharo le likhoeli tse tšeletseng. Ha re khone ho Mo nea metsotso e meraro, ho thata. Lilemo tse tharo le likhoeli tse tšeletseng tsa seqoqo se sa khaotseng. Oh, ke rata hoo! Ho re, “U se ikhathatse ka ho pheha; re tla be re e lokisitse. Makhoaba a tla u fepa. 'Me ntho eohle e tla itokela. Ke mpa ke ipatlela seqoqo.” Moporofeta enoa oa khale, Elia, ea lutseng hlorong ea thaba mono, a ntse a tšoere seqoqo le Molimo, khele, mokapotene o itse, “Kea kholoa nka ea mo lata.” Joale, u se ke ua leka ua khaola seqoqo seo.

49 Ka hona, mokapotene a nyoloha, ka banna ba hae ba leboho le leholo, la ba mashome a mahlano. 'Me a re, “Ke—ke—ke tiile ho u lata, Elia.”

50 'Me eaba Elia o a ema. U ele hloko, ke moporofeta oa Morena! A re, "Haeba ke le mohlanka oa Morena, ke re mollo o theohe leholimong o le je." Eaba mollo o a theohe. Mokapotene a re . . .

51 "Oh, lea tseba keng?" Morena, ke rialo, ha thoe, "Mohlomong e ne e mpa e le e—e tlali, lehalima le iphetelang holimo feela, eaba lea ba otlala. Ke sa tla romela mashome a mang a mahlano."

52 Elia a ema, e mong oa mangeloi. Lentsoe la hae le tiile. A tlameha ho phethisa moputso o lekanang tlole eohle. A re, "Haeba ke le mohlanka oa Morena, ke re mollo o theohe." Eaba ho chesoa mokhahlelo oa bobeli oa mashome a mahlano. Ho lokile. Phetsetso e 'ngoe le e 'ngoe!

Hobane ha esitile lentsoe le boletsoeng ke mangeloi le sa ka la lesa ho tiea, 'me ho tlola le ho se mamele ha ba ha hlaheloa ke moputso o ho lekanang . . .

53 Joale, ntho ea tonana ke ena, temana e latelang.

Ana re tla phonyoha joang, . . .

54 "Ana re tla phonyoha joang?" Efela ha kolu ea Elia e hlalositse tšenyeho, ka hobane e ne e le lengeloi la Morena, ana re tla phonyoha joang mohla Kolu ea Krete e buang? Kapa, ebe re ka hloleha joang mohla re rapeletsoeng, haeba E le Kolu ea Krete? Efela haeba Krete a laotse Kereke ea Hae ho rapella bakuli, 'me Kereke e etsa seo A itseng O . . . hore ba se etse, ebe E ka hloleha joang? E ke ke. U ka hloleha, empa Lona le ke ke la hloleha. 'Me ha feela u Le bolokile, Le tla u tšelisa.

55 Haeba u hloleha, u hlolehile ka bouena. U mpa u suthela hole le Lentsoe. Empa ha u lula Lentsoeng feela, Le ke ke la hloleha. Haesitile lentsoe la baporofeta le entse *hore-le-hore*, Lentsoe la Krete le ka khona hakakang?

Ana re tla phonyoha joang, ha re sa hlokomele poloko e kalo; e leng e neng e qala ho boleloa rōna pele ke Morena, ea ntoo tiisoa ho rōna ke ba e utloileng;

56 Nahang ka Lona, le boletsoeng ke Morena. Re ka khutlela morao makhethlo a makae? Re ka emisa kae, hantle mona sebaka sa hora? Athe Jesu o tlile, E sa le eena maobane, kajeno, le ka mehla.

57 Joale, hopolang, le boletsoeng pele ke Jesu, ka Sebele, la ntoo tiisoa ke ba Mo utloileng. Joale Mo mameleng.

58 Mohla A ne a fihla lefatšeng, ha A ipolela e le mofolisi. O itse, "Ha se 'Na ea etsang mesebetsi; ke Ntate oa Ka ea ahileng ka ho 'Na. Ke Eena ea etsang mesebetsi. Mora o sitoa ho etsa letho a Inotši, empa seo A se bonang se etsoa ke Ntate," Mohalaleli Johanne 5:19.

59 Shebang mohla Filipi a tlang ho Eena. Nathanaele . . . Ka mora tšokoloho ea Filipi, a tloha e ea lata Nathanaele. Ho re, "Tloo, u bone Eo re mo fumaneng: Jesu oa Nazaretha, Mora Josefa."

60 'Me a re, "Ana taba e molemo e ka tsoa Nazaretha?"

61 Ho re, "Tloo, u bone." Ke oona mokhoa oa ho kholiseha: Le fetise tekong. Tloo u bone. Oh, ke polelo e fetisang ka bokhabane eo ke e utloileng. Tloo u iphumanele ka bouena. U se ke ua ema ua nyatsa moeling o ka ntle, empa, "Lekang lintho tsohle, le tiisetse se molemo." Tloo u bone.

62 Ke bao ba theoha ka tsela, ba ntse ba qoqa. Eitseha a kena ka pela Sefahleho sa Morena Jesu, A re, "Bonang Moiserale eo ho seng mano ho eèna."

63 Taba eo ea mo rutla letlalo, mohlomong. A qamaka, ho re, "Be, Rabbi, U ntsebella kae? Ha U eso mpone. Ebe U ntsebella ho kae?" Filipi a re . . .

64 "Le pele, mohla a bitsang. . ." Ho re, "Le pele Filipi a u bitsa, maobane, u sa le tlasa sefate sa feiga, Ke u bone." Amen.

65 A re, "U Mora Molimo. U Morena oa Iseraele."

66 Mosali o kile a kena ka pela Sefahleho sa Hae, eaba O re, "E-ea, lata monna oa hao."

A re, "Ha ke na eèna."

67 Ho re, "U boletse teng. U na le ba bahlano, le eo u lulang le eèna ha se ua hao. U buile 'nete." E nahaneng.

68 A re, "Monghali, kea lemoha hobane U Moporofeta. Hoo, rea tseba Messia mohlaa tlileng O tla re bolella lintho tsohle."

69 A re, "Ke Eèna, ea ntseng a bua le uena."

70 Eaba o matha ho bolella banna ba motse, "Tloong, le bone Monna ea Ea mpoleletseng sohle seo ke se entseng. Ana ha se Messia?" Le ne le builoe ke Morena.

71 Ho etsahetseng? Jesu o boletse, pele A tsamaea, "Lintho tseo Ke li etsang, le tla li etsa le lona." Ho joalo na? [Phutheho e re, "Amen."—Mong.] Lintho tseo Ke li etsang le lona le tla li etsa, le tla etsa le tse ngata ho tsena, hoba Ke ea ho Ntate." Oh, ekare kea ba bona ha ba tloha, ba ntse ba tsamaea hohle. Mareka 16, "Ba tsamaea hohle, ba ntse ba rera; Morena a sebetse le bona, a tiisa Lentsoe."

'Me mona, Pauluse, o hlahisa taba eona eo. O itse e—e Evangeli e neng e qale ea boleloa ke Jesu, ea tiisoa ho rōna ke ba Mo utloileng. Leo ke lona Lejoe la Motheo. Oh, ho bokoe Lebitso la Morena! Leo ke lona Lejoe la Motheo.

72 Le ho nahana, hore ho fetile lilemo tse likete tse peli. Ho hlahile bomosalumele, le bahanyetsi, le babelaeli, le bahatene. Empa, kajeno, Jesu eo o sa ntse a tiisa Lentsoe la Hae ka ho tsoana ka ba Mo utloang. "Ho Mo utloa," ha se ho bolela ho utloa thero. Hoo ho bolela, ho *Mo* utloa. E.

73 Ana re tla phonyoha joang? Ho phonyoha ha rōna ho kae? Oh, u re, "Ho bokoe Molimo, ke setho sa kereke ea Methodist.

Ke Presbeterian. Ke Pentecostal.” Hoo ha ho amane le Eona ka letho. Ebe u ema moeling oa tsela 'me u batla ho E bitsa “ho bua le bafu, kapa ho bala mohopolo, kapa diabolosi ea itseng,” kapa ho hong. Ha ba soabe!

⁷⁴ “Lentsoe le leng le le leng la mangeloi le ne le tiile. . . .” Jesu o itse, “Ha se. . . Ho se ho se ho kae, 'me lefatše ha le sa tla Mpona. Empa, lona le tla Mpona, hoba Ke tla ba le lona, le ka ho lona, ho isa bofelong ba mongoaha.” 'Me ha re 'Mona a theoha, ho tsoelapele ho tiisa Lentsoe la Hae, ana re tla phonyoha joang ha re tšehetsa kereke ea mofuta, kapa mokhatlo oa mofuta, kapa bolumeli, kapa mohopoloana oa hao oa papali? U mpe u itsoasolle. “Hobane sebe se seng le se seng tlasa mangeloi se hlaketsoe ke moputso o se lekanang, hakakang mohla Mora oa Molimo a buang a etsoa Maholimong, ho netefatsa Lentsoe la Hae! Ana re tla phonyoha joang, ha re sa hlokomele poloko e kalo?” Oh, khili! “Ha Molimo hape. . . .”

Tema ea 4:

Ha Molimo o ntse o omela hammoho le bona, . . .

⁷⁵ Shebang sena. Morena o ile a omela lipaki. Oh, ke thabetse hoo haholo! Morena o ometse bopaki.

⁷⁶ Shebang. Mohla Elia a lutseng holima leralla, 'me o itse, “Ha ke le monna oa Molimo, ke re molo o theohe Leholimong u le chese.” Molimo o ile a omela hore e *ne* e le monna oa Molimo.

Kamehla Molimo o omèla bopaki. Bophelo ba hao bo tla omèla. Ha ke tsebe seo bopaki ba hao bo leng sona, empa bophelo ba hao bo hoeletsa, hoo lentsoe la hao le sa utluoeng. Empa, ho phela ha hao—hao, bophelo ba hao ba letsatsi bo tla paka seo u leng sona. Molimo o a omèla. E. Moea o Halalelang ke tiiso, 'me tiiso e aletsa mahlakore a mabeli a pampiri. Ba u bona u eme *mona* 'me ba u bona ha u tloha. E seng kahara kereke feela empa mosebetsing oa letsatsi ka leng. U tiisitsoe ka nqa tse peli, kahare le kantle. Ka thabo ea hao, le ka bophelo boo u bo phelang, u tšoaue, kahare le kantle, hore u itseba u pholositsoe le lefatše le u tseba u pholositsoe, ka bophelo boo u bo phelang, hoba Molimo o a omela. Ho bokoe Lebitso la Hae le Halalelang! Khele, ke ikutloa ke halalela!

⁷⁷ E nahaneng, baena, mono. Oh! “Linku tsa Ka li utloa Kolu ea Ka, osele li ke ke tsa mo latela.” Oh, kamoo mabitso a rōna a leng holima liatla tsa Hae! Le ka pela Hae, motšeara le bosiu. Lentsoe la Hae le pela Hae ka mehla, Tšepiso ea Hae. A ke ke a e lebala. 'Me O a u rata.

⁷⁸ Joale, O tla omela bao e leng ba Hae ka sebele. Ha u bule molomo oa hao ho bua lentsoe, lefatše le tla tseba hobane ntho e etsahetse ho uena.

. . . omelang hammoho le bona, ka lipontšo le meeka, le liketso tse ngata tse matla, le ka lineo tse ajoang ke Moea o Halalelang, kamoo o ratang kateng?

⁷⁹ Ha re qotseng Lengolo le leng joale pele re koala; ka Letsatsi la Pentekosta, mohla ba ne ba amohela Moea o Halalelang. Matsatsi a ka bang mane hamorao, Petrose a feta khorong e reiloeng e Lokileng; eèna le Johanne. Ba re, “Re talime,” ho monna. ‘Me a re, “Silifera le gauta ha ke na tsona, empa seo ke nang le sona ke u nea sona. Ka Lebitso la Jesu Krete oa Nazareth, ema u tsamae.” Eaba monna eo o lelala a sa botse lipotso tsa letho. A mpa a ema a tloha a ikela. E le banna ba sa balang le ba sa rutehang. Empa Bibe e itse, “Empa ba ba ela hloko, hobane ba ba tsebile ba tsamaile le Jesu.”

⁸⁰ Moena, ha lefatše le u tseba u ne u le hammoho le Jesu, mohla u ka phelang bophelo bo sa silafalang lefatšeng lena la joale le hara lefifi le le kana, lefatše lea tseba lea bona hoba u ne u le hammoho le Jesu; mohla seotsoa se khohlahetseng sa seterata, sa khale se makhobotlo se fetohang leleiti, se hlatsoitsoe Maling a Konyana; Molimo o omela hore O a phela.

⁸¹ Letahoa, le nyehllileng hoo le ka qhekanyetsang mosali oa lona, le hlekefetsang bana ba lona, le tlosang lijo tafoleng ea bana, ho lefa seotsoa. E re a kopane le Jesu hang. U tla ‘mona a khutla, joaleka Legione, ea khutletseng mohopolong oa hae a bile a apere, ho boela ho masea a hae le ho mahatsa’e le ho baratua a hae. Ruri.

⁸² Nakoana e fetileng, lilemo tse ka bang mashome a mane tse fetileng, mohla malumeli a lefatše a ne a kopane, teng ho ne ho eme ba fapaneng ho bua. ‘Me Mahammede a bulella borapeli ba Mahammede. BaJains ba buella BaJains; MoBuddhist a buella Buddha. ‘Me ngaka e nyenyane, ke lebala lebitso la hae le qetellang, nakong ena ea joale. Ke ne ke tsebe lebitso la hae, empa ke le lebetse. O ne a bua a emetse Bokreste. Eaba o phetha pale ea Mofumahali Maccabee oa Oklahoma, mona Amerika.

O ne a le mamphemphe hona a le nyehlile-tlase, hoo esitile le mohla ba tla mo bolaea, ba sa batlang le ho mo ama ka matsoho a bona, a le makhobotlo hona ‘me a le malimabe. Ba mo tsoere ka molato: a tsuba sikara; a khanna lekouchu; ‘me a tlotse eona-eona-eona melao, lirekoto tsa Oklahoma, mohla a fetang seterateng, a qhoba lipere tse ‘ne tsa sehlooho. ‘Me a le malimabe abile a le litšila hoo sechaba se sa batlang ho mo atamela; ha kana, hofihlela babolai ba tlang ho mo fenetha, ba sa batle le ho mo fanyeha. Ba mpa ba mo horometsa tiri le ka masiba holima hae, ho ‘molaea.

Hoba morerinyana a phete pale ea hae, ka bokaalo boo, ho fihlela batho ba lutse lintšing tsa litulo tsa bona, ba emetse tema e tla hlhlama. Hoba a fihle tlase mono: a le malimabe ha kana, a le litšila, a nyehlile-tlase, hoo melao e sa batlang ho etsa letho ka eèna, a hlile a khotlehlile ha kana. Esita le diabolosi ea lihlelang a ka hana motho ea joalo, mohlomong,

kamoo a phethileng pale eo. Eaba o re, “Bannabeso ba bolumeli ba lefatše, ana bolumeli ba lona bo tšoere letho ho hloekisa matsoho a Mofumahali Maccabee?”

⁸³ Mang le mang a lutse ka khutso. Eaba o opa liatla tsa hae, a qhomela moeeng. A re, “Ho bokoe Molimo! Mali a Jesu Krete ha a hlatsoe matsoho a hae feela, empa A tla hlaekisa le pelō ea hae a mo fetole Monyaluoa oa Hae.” Kea le bolella:

Mohau o mohlolo! molumo o monate,
O phekotse 'na ea soto!
Ke ne ke lahlehile, joale ke thotsoe,
Ke foufetse, joale kea bona.

Mohau o rutile pelō ho tšaba,
Mohau o imolotse tšabo tsa ka;
Mohau o no o le thekothata
Mohla ke qalang ho lumela!

⁸⁴ Ruri. “Ana re tla phonyoha joang, ha re sa hlokomele tse kalo?” Ha u sa hlokomele ho ja, u tla shoa. Ha u sa hlokomele ho ja mothinya, u tla shoahlamana. Ha u sa hlokomele ho hama khomo, e tla cha. Ha u sa hlokomele meno a hao, a tla komuloa kaofela. Ruri. U lefisoa bohlasoa ba hao.

⁸⁵ Oho Branham Tabernakele le lona baeti, joale e reng ke le bolelle taba. Ha u sa hlokomele ho paka ka khanya ea Molimo, ha u sa hlokomele ho lebisa thoriso le khanya ho Molimo, u tla iphihlela u bata, o le fōfō, 'me u le mongala, le leng la matsatsi ana. U rorise Molimo. “Ana re tla phonyoha joang, ha re sa hlokomele poloko e kalo?”

⁸⁶ Nako lia hatellana. Ke sa tsoa hlokomela, Moena Toms o kene le ka morao ka mono. Re tla koala 'me re tsoelepele bosiuang bona, ha Morena a ratile.

Ha re rapeleng nakoana feela.

⁸⁷ Ntata rōna oa Leholimo, ho Uena ho isoe poko, le lithoriso, le tlotla, le khanya, le bohlale, le borena, le matla, ka mehla le mehla. Oh, ho Konyana eo e lutseng Teroneng, marena le mebuso le tsohle li beiloe letsohong la Hae. Mohla A ne a tsoha bafung, sebakeng sa tokafatso ea rōna, O ile a hlabela lefatše mokhosi, “Matla oohle a Leholimong le lefatšeng a beiloe letsohong la Ka. E-eang, ke hona, ka lefatše lohle le bolele Evangeli.”

Oho Konyana e ratoang e shoang, Mali a Hao
a thata
Matla a Oona a ke ke a tima,
Kereke ea balopolloa ba Molimo
Ebe e bolokoe, ho se hlole e sitoa.

⁸⁸ Thusa rōna, bareri, haele moo re hloka tse ngata ha kana; kamoo re tšoanelang ho fumana kereke, re tšoanela ho fumana *sen*a, re tšoanela ho fumana ntho e 'ngoe le e 'ngoe.


⁸⁹ Basali ba rōna, pele ho uoa kerekeng, leha koana ba ipitsa Bakreste, re tlameha ho fumana mose oa mofuta, kapa re tlamehe ho arapa makhethe.

'Me bareri ba tlameha ho futoa chelete e kana pele ba etla, 'me ntho e 'ngoe le e 'ngoe e tlameha ho ba *hore-le-hore*.

⁹⁰ Oho Kreste, eitseha ke bala mona, “Kamoo ba phaitseng kateng, ka matlalo a linku le ka matlalo a lipōli, ba phela mafarung a lefatše, le mahaheng.” Ba phaitse hohle, tlasa hloriso e khopo, 'me, leha ho le joalo, ba finyeletse Tumelo, tlasa tshebeletso ea mangeloi. Ana re tla phonyoha joang, holima Morena Jesu a re neile matlo a matle, le makoloi, le liparo, le lijo? 'Me rea lumaluma. Re ituletse. Re botsoa. Ha re leke ho tsoa le ho etsa ho hong ka eona. Ana re tla phonyoha joang, Molimo?

⁹¹ Oh, ke U rapela ho cheseletsa tsuo eo ea mehla-ea-khale ka pelōng e 'ngoe le e 'ngoe, hoseng hona, Morena, batho ba tle ba phaphame 'me ba e emele. Re sebetse letsatsi le sa chabile, hobane letsatsi le likela kapele. 'Me tsoelopele e a feta, 'me nako ha e sa tla ba teng. E tla nyamella kahara Bosafeleng.

⁹² Oho Molimo, kajeno o re nehe ho tsamaea ka pono e nchafetseng, ka bohlae, ka kutloisiso, ho tseba mokhoa oa ho atamela baetsalibe le ho ba tliša ho Kreste. Utloa thapelo ea mohlanka oa Hao, Morena.

⁹³ Kea kopa, ha e mong a le teng mona, ea sa tsebenng Kreste joaloka Mopholosi oa bona, na u ka phahamisa letsoho oa re, “Nkhopole, Moena Branham”? Na u ka phahamisa letsoho la hao, oa re, “Nkhopole 'na. Ke batla ho ba Mokreste. Ha ke sa batla ho e hlokomoloha hape”? Molimo a u hlohonolofatse, morao mono, monghali. Motho e mong hape? Ea reng, “Ke batla ho phahamisa letsoho la ka, Moena Branham. 'Me ke batla ho amohela Kreste, joaleka Mopholosi oa ka, esale ke sa ele hloko, ka linako tsohle. Oh, ke tsamaea kereke, ehlile, ke setho sa kereke.” 

BUKA EA BAHEBERU

Melaetsa ena e leshome le motso o le mong ka Moena William Marrion Branham e reriloeng sethatong ka Senyesemane ho tloha ka Phato 21 ho haola ka Loetse 22, 1957, mane Tabernakele ea Branham, e Jeffersonville, Indiana, Amerika, e ntšitsoe mabanteng a likhatiso a makenete 'me e ngotsoe e sa khutsufatsoa ka Senyesemane. Phetolelo ena ea Sesotho sa Boroa e ngotsoe 'me e phatlalatsoa ke ba ha Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org